

菩薩善戒經

第六

二百四  
賢六

48802



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置

法華寺藏



菩薩善戒經卷第六

宋劉賓三藏法師求那跋摩等譯

菩薩地供養三寶品第十七

云何名爲菩薩摩訶薩供養如來供養如來  
凡有十種一者供養色身二者供養塔三者  
現見供養四者不現見供養五者自供養六  
者他供養七者利益供養八者最勝供養九  
者清淨供養十者受持供養供養色身者菩  
薩摩訶薩若見佛色身而供養之是名供養  
色身供養塔者若菩薩摩訶薩爲如來故造  
作塔廟形像龕窟修治已壞朽故之塔若見  
新塔花香供養是名供養塔現見供養者甚

賢



薩摩訶薩若現見如來形像時如見此佛且  
十方佛亦復如是是名現見供養不現見供  
養者菩薩摩訶薩若供養現在諸佛及佛塔  
廟得信解心我今現見作是供養亦得供養  
過去未來佛何以故一切如來同一法性故  
以是故則得供養去來諸佛若我供養現在  
佛塔亦得供養去來佛塔何以故如是諸塔  
同一法性故若供養一佛則已供養十方諸  
佛若供養一塔則已供養十方佛塔造作龕  
窟補治故塔供養塔時亦復如是是名不現  
見供養又復不現見供養者若不見佛不見  
佛塔心想念言此是如來此是佛塔一切佛



一切塔一切窟一切像亦復如是是名不見  
見供養復有不現見供養者若菩薩佛涅槃  
後爲如來故建立塔廟造作龕窟若一若二  
乃至無量隨力能作是名不見見供養如是  
無量福德果報攝取無量梵福德果菩薩摩  
訶薩以是因緣於無量劫不墮惡趣亦能莊

賢

善戒傳

二

吉

嚴菩薩之道菩薩摩訶薩不見見三寶而設  
供養勝於現見供養之者不可稱量不可爲  
比所得果報不可宣說愚癡之人現見之後  
而設供養智慧之人雖不見見而能供養是  
名不見見供養自作供養者菩薩摩訶薩若  
供養佛及供養塔手自經理不令他作是名

自供養他供養者若佛若塔欲供養時聚集  
多人和合共作非獨自作多人者所謂父母  
妻子宗親眷屬僮僕若王大臣婆羅門長者  
隣比知識內人外人男女貧富受苦受樂若  
師和尚若同師同和上若同住同法同學同  
國同名同姓乃至邪見及旃陀羅是名他供  
養復有他供養者菩薩摩訶薩若財富自在  
以慈悲心惠施衆生臨施之時作是願言衆  
生貧苦慙於福德今受施已我當勸令供養  
三寶以是供養三寶因緣破壞貧窮多獲福  
德作是願已惠施衆生施衆生已教令供養  
佛法僧寶是名他供養利益供養者菩薩若



於佛及佛塔奉施衣服飲食卧具醫藥房舍  
恭敬禮拜復以種種雜華塗香末香散香伎  
樂幡蓋燈明供養又歎如來無量功德五體  
投地右遶三匝至無量帀兼復奉獻金銀琉  
璃頗梨珂貝車渠馬瑙及身瓔珞鐘鈴之屬  
乃至一錢一緡一銖是名菩薩利益供養最  
勝供養者菩薩若於佛及佛塔所設供養利  
益供養常恒供養好物供養現見供養不現  
見供養自供養他供養至心供養喜心供養  
至心忍樂供養三寶以如是等供養迴向阿  
耨多羅三藐三菩提是名最勝供養清淨供  
養者菩薩若於佛及佛塔手自供養非以僞

慢輕賤心故令池執作無有放逸慙心精進  
至心淨心非爲國主生信敬故非以當得國  
王大呂長者居士所供養故非以自顯己之  
功德而供養也所作形像不以雌黃雞子羅  
差膠油蘓等油蘓塗地不燒膠香葉香供養  
頗迦華等亦不供養一切臭華雖有好色亦  
不供養乃至種種臭穢之物不以供養離如  
是等諸供養者是名清淨供養受持供養者  
菩薩若於佛及佛塔若自出財若從他求若  
作像若作塔若一若二若乃至百千無量万  
億一一塔中一一像前恭敬禮拜以好華香  
伎樂燈明瓔珞幡蓋而供養之亦不以此供



養因緣故求阿耨多羅三藐三菩提求於佛  
道何以故菩薩摩訶薩任不退地故菩薩任  
是不退地已於諸佛土受身不礙菩薩摩訶  
薩不自出財不求他財作是願言若閻浮提  
所有衆生有能供養佛法僧寶從四天下乃  
至三千大千世界十方無量無邊世界所有  
衆生以上中下供養三寶我當至心隨其歡  
喜復作是願以是因緣令諸衆生悉得成就  
阿耨多羅三藐三菩提是名菩薩莊嚴無上  
菩提之道是名如法作供養菩薩摩訶薩修  
集慈心如穀牛頃悲喜捨心亦復如是一切  
有爲無常無我無樂無淨深觀涅槃功德微

妙念佛法僧施戒天等乃至不見法界之中  
有微分相可得宣說至心趣行六波羅蜜以  
四攝法攝取衆生是名如法作供養若有比  
丘常樂喜見恭敬供養金塔金像銀塔銀像  
頗梨真珠車渠馬瑙璧王塔像不喜樂見供  
養恭敬泥木塔像當知是人不知名如法作供

養是如法作供養名無上供養無勝供養最  
上供養如是供養勝諸供養能得無量無勝  
之果菩薩摩訶薩供養三寶爲六事故一者  
福田無勝故二者知恩報恩故三者勝於一  
切一足二足多足無足故四者難遇如優曇  
鉢花故五者無師和尚自然得成阿耨多羅



三藐三菩提故六者能令衆生獲得世樂出世樂因故法僧亦尔菩薩欲受菩薩戒時當觀和尚若具八法乃從受戒一者具足優婆塞戒沙彌戒比丘戒二者善能觀察持戒毀戒相貌三者得舍摩他毗婆舍那四者慈心憐愍一切五者能捨己樂以施衆生六者無畏七者不說非法不聽非法說非法者呵責諫喻能忍一切些毀打罵惱害等苦貪瞋癡等毀禁之人及懈怠者處衆說法不辭疲勞不謬解義亦不誤說發言柔軟初不麁獷常念衆生欲令安樂有疑輒請不懷耻辱善知方便教化衆生知諸衆生煩惱對治於諸

衆生其心平等無有貴賤尊卑之異六根具足威儀庠序不信讒言細行淨行不自矜高輕憊於人不爲利養外現諂曲捨除貪妬慳悋之心若自得利先推他人其心常一無有放逸見他得利歡喜如己知足少欲唯畜六物六物之外隨得隨施恒勸前人隨犯發露爲示憶念善知悔法善能瞻養病苦之人終不宣說聲聞法藏菩薩藏過若有具足如是法者任爲和尚菩薩摩訶薩旣受戒已和尚若病應爲給使若不病者應隨教作應生虔重恭敬之心迎逆禮拜立侍左右奉施衣食卧具醫藥隨順法語隨法而作無有動轉隨



所犯罪成實而說若聽法時作佛想法想比丘僧想難想眼想大智因想大光明想得大果報想是大涅槃無上道因想得常樂想得舍摩他毗婆舍那想如是想者即是真實法想是名具足聽法功德又聽法時應至心聽信心聽不應念言我今不應從破戒者斯下種姓根不具足不正語者弊性之人而問法也離如是念至心聽法菩薩摩訶薩受菩薩戒有二種一者智二者愚若作如上思惟觀者是名愚癡不增善法不得大智菩薩修集四無量心慈悲喜捨四無量心有三種一者衆生緣二者法緣三者無緣衆生緣者菩薩

摩訶薩修集慈心諦觀一切三聚衆生一者  
受樂二者受苦三者受不苦不樂菩薩摩訶  
薩修集慈心觀受樂者令其增長觀苦衆生  
滅苦生樂觀不苦不樂者斷除苦樂令得涅  
槃是名衆生緣法緣者菩薩摩訶薩准觀法相  
不作衆生相若我修慈無衆生者誰得離苦  
誰得受樂是名法緣無緣者捨衆生相及以  
法相增長慈心是名無緣如慈餘三無量亦  
復如是菩薩摩訶薩若因衆生修無量心當  
知是心不異外道亦與聲聞辟支佛共菩薩  
摩訶薩四無量心合則爲悲是故菩薩名爲  
大悲菩薩觀察受苦衆生有百一十爲除是



苦修集大悲何等百一十一種生苦復有二  
種一者求不得苦二者得已失苦復有三種  
一者苦苦二者行苦三者壞苦復有四種一者  
愛別離苦二者怨憎會苦三者死苦四者五  
陰盛苦復有五種一者欲因緣苦二者瞋  
因緣苦三者睡眠因緣苦四者掉悔因緣苦

五者疑因緣苦復有六種一者惡道因緣苦  
二者惡道果苦三者多求苦四者守護苦五  
者得無厭苦六者失苦復有七種一者生苦  
二者老苦三者病苦四者死苦五者愛別離  
苦六者怨憎會苦七者求不得苦復有八種  
一者寒苦二者熱苦三者飢苦四者渴苦五

者不得自在苦六者自作苦如尼捷子七者  
他作苦如王事等八者久威儀苦復有九種  
一者身貧窮苦二者他貧窮苦三者親愛壞  
苦四者失財物苦五者病苦六者破戒苦七  
者邪見苦八者現在苦九者他世苦復有十  
種一者有食無器苦二者步涉無乘苦三者  
求諸瓔珞華香不得苦四者求覓伎樂遊戲  
不得苦五者求於光明不得苦六者求給使  
人不得苦七者求漿不得苦八者求衣不得  
苦九者得不用苦十者見來求苦復有九種  
一者一切苦二者大苦三者一切自苦四者  
不如法住苦五者轉苦六者不得自在苦七



者害苦八者隨逐苦九者一切行苦一切苦者由往昔因得現在苦大苦者如諸衆生無量世中受地獄苦一切自苦者如地獄畜生餓鬼人天中苦不如法住苦者如作謀議欲害於他事不成就反受其禍如貪飲食後受大苦如念貪欲瞋恚癡苦如因身口意惡業受苦如因毀戒受於憂苦轉苦者如現在三身轉至他世爲奴僕苦如現父母兄弟妻子轉至他世爲怨憎苦如現在巨富轉至他世受貧窮苦不得自在苦者如欲得長命欲得端正欲得上族欲得富貴欲得身力欲得智慧欲除怨敵不得如意苦害苦者如世中人

求破貧窮不能破苦出家之人求壞煩惱不能壞苦如事難苦兵革起苦行曠路苦截手脚苦閑繫打縛苦驅僮出外苦一切行苦者因苦受苦離樂受苦一切諸受未斷故苦不能出家苦不能寂靜苦不得菩提苦多生思覺苦凡夫苦四大苦三界苦煩惱苦是名百一十苦菩薩觀察如是等苦增長大悲如是

大苦因十八種而得增長何等十八一者愚癡苦二者受果報苦三者行苦四者常苦五者生苦六者自作苦七者他作苦八者破戒苦九者邪見苦十者惡世苦十一者大苦十二者地獄苦十三者人天苦十四者壽苦十



五者受苦十六者不知苦十七者增<sub>八</sub>苦十  
八者懈怠苦菩薩常以四事因緣名為大悲  
一者諦觀衆生受苦因緣甚深難解二者無  
量世中修集三者至心修集四者以至心故  
為於衆生不惜身命以是四事因緣故能為  
衆生勞謙忍苦受於苦身是故菩薩名淨大  
悲淨大悲者名如來地菩薩摩訶薩觀是百  
一十事一切菩薩皆悉修集<sub>四</sub>衆生故增長  
大悲如是菩薩能觀察衆生及以法相生於大  
悲不能觀察無緣之相生於大悲是故不得  
名為大悲如來能具如是三種故名大悲菩  
薩修集大悲故得身寂靜得心寂靜以是身

心寂靜因緣故能破衆生所有煩惱住於淨地一子之地於諸衆生愛之如子以大悲因緣故爲諸衆生勤行苦行心無悔退如聲聞道悟四諦時受無漏樂菩薩修悲亦復如是菩薩修悲但爲衆生不爲自身修悲因緣菩薩乃至不惜身命及外財物修因緣捨身

釋迦牟尼佛

受身終不毀失如來禁戒難得三昧即能得之難得智慧即能得之是故如來於經中說菩薩阿耨多羅三藐三菩提住在何處當言住於大悲無量無邊不可稱計故名大悲菩薩修集是無量心得現在樂能令衆生遠離苦惱得無量無上功德之聚莊嚴阿耨多羅



三藐三菩提

菩薩地三十七助道品第十八

云何名爲菩薩摩訶薩慚愧慚愧有二種一者性二者因緣性者菩薩摩訶薩自知所作非法怖畏惡報而生慚愧因緣者菩薩若於自所作惡恐人知故而生慚愧性慚愧者非因緣得如菩薩性菩薩修慚愧者從因緣得如八正道因緣慚愧有四種一者不應作而作生於慚愧二者應作不作生於慚愧三者心自生疑而生慚愧四者於覆藏罪恐他知故而生慚愧云何名爲菩提薩埵薩埵者名爲勇健無所畏懼菩薩之性性有健力以性

健故能調煩惱不隨其心能忍衆苦種種恐怖雖有恐怖不能傾動菩薩所有善法莊嚴是名性勇健力是故名爲菩提薩埵菩薩性勇健力有五因緣一者種種生死苦二者衆生種種行諸惡業三者於無量世利益衆生受無量苦四者至心堅持菩薩禁戒五者至心聽受深法菩薩摩訶薩有五因緣爲諸衆生受大苦切心無愁惱一者有大勇健力故二者修集無愁故三者勤善方便健精進故四者智慧力健故五者專念修悲心故云何菩薩解世書藉菩薩善知世間方術知字知句知辭知義心口和合專念受持是名菩薩



知法知義知法知義故能爲他說以說因緣  
故法智義智而得增長是名聞慧思慧以是  
聞思慧因緣故助菩提法而得增長云何名  
爲菩薩知世世有二種一者衆生世二者器  
世菩薩摩訶薩觀衆生世是故經說世間苦  
行受於生死不知生死不得解脫如來善知  
衆生世間是故經說衆生有五濁一者命濁  
二者衆生濁三者煩惱濁四者見濁五者劫  
濁如今人壽不滿百年是名命濁如今衆生  
不能孝養父母師長和尚沙門婆羅門等不  
隨義行不畏現在及未來世不樂惠施不喜  
福德不樂受齋持戒精進是名衆生濁如今

衆生因煩惱故殺害父母於母姊妹及餘親屬強作非法爲與衆生作惡因緣受畜弓箭刀杖牢槩多有衆生妄語兩舌惡口無義語有如是等無量諸惡不善煩惱起時是名煩惱濁如今衆生非法見法法見非法非法說法法說非法以是說故破壞正法增長邪法無量衆生修集邪見是名見濁如惡時衆生有三種內惡劫起一者飢饉內劫二者疫病內劫三者刀兵內劫是名劫濁是名菩薩知衆生世間復次菩薩知器世間菩薩善知器世成壞因緣是故經說迦梅延如來善知世間知世間因知世間滅知世間道知世間味



知世間苦。知世間解脫。迦拏延六入五陰。及  
四大等。名爲人身。以人身故。隨世作相。名之  
爲我。名爲衆生。名爲壽命。名爲士夫。名爲某  
甲。如是名字性無真實。因煩惱故。衆生說言  
我見我聞。我知見聞知者。亦無真實。流布如  
是名。姓飲食受苦受樂。長壽短壽。是名流布

流布者。名爲相。不名真實。如來善知衆生世  
間器世間故。名如來善知世間菩薩。若見於  
己年長福德勝者。應起奉迎。禮拜問訊。安施  
牀座。若見年德與己等者。先意問訊。謙下軟  
語。執手共坐。不生憍慢。我勝於彼。若見年德  
於己少者。先意軟語。勸以福德。教行善法。心

不輕慢設其有罪終不譏刺隨所須物任以  
給施菩薩悉於上中下衆生先意軟語善法  
教化以食以法而攝取之身口意業善思惟  
等悉向衆生常作是念願我莫與一切衆生  
作惡因緣於諸衆生不作怨想常生親想無  
瞋恚心設有瞋者不以其在意若他瞋打當觀  
法界身口意業常自疑重具足十四事所謂六方  
便四惡知識四善知識如善生經說常能利益今  
世後世能求財物得已能護營生富足能作福  
德不貪不慳不作幻術誑惑世人持戒慚愧  
有人寄付不令生疑衆生見者如見真實常  
近善友治國理民勸以十善見則言見聞則



言聞覺則言覺知則言知是故菩薩名知世  
間云何名爲菩薩學四依菩薩依義不依於  
字菩薩聽法不爲依字唯爲依義菩薩摩訶  
薩依法不依人知法非法知如是法是佛所  
說是長老說是衆僧說若是非法雖聞佛說  
心不生信復有是法非佛所說非長老說非  
衆僧說雖非佛說長老僧說是法相者聞則  
信受菩薩摩訶薩依了義經不依不了義經  
依了義者不可動不可移了義經者不生疑  
心菩薩若於了義經中生疑心者則可移動  
菩薩依智不依識何以故修智慧者名淨智  
故是故菩薩解甚深義雖於深義未得解了

終不生謗是名菩薩成就四依菩薩成就如  
是四依了了能知世道出世道菩薩復有四  
道以四道故知一切法界得無礙智四道者  
即是四無礙智知一切法界名法無礙智若  
知一切法性無礙智無顛倒智名義無礙智  
菩薩若知一切諸法種種名字名辭無礙智  
菩薩若知一切法界一切法名一切法義說  
不可盡名樂說無礙智菩薩具足四無礙智  
知陰入界方便十二因緣方便是處非處方  
便菩薩具足四無礙智了了自知菩提之道  
復能爲人分別廣說云何名爲莊嚴菩提莊  
嚴莊嚴是有二種一者功德莊嚴二者智急莊



嚴始自利利他品中說菩薩若在初阿僧祇劫修集如是二莊嚴者名下莊嚴在第二阿僧祇劫修名中莊嚴在第三阿僧祇劫修名上莊嚴云何菩薩修集三十七品菩薩具足四無礙智得方便智以方便智故修集三十七品亦未得證阿耨多羅三藐三菩提亦知二乘所修道品知二乘者如初品說云何名知菩薩所修三十七品菩薩觀身循身觀作是觀時不著身相不作空相亦知是身不可宣說是名觀身第一義為流布故說名為身如身餘三十六品亦如是菩薩摩訶薩觀是身時不作苦不作集不作滅不作滅因緣道

何以故法界不可說故菩薩若能如是知苦  
集滅道是名第一義修集三十七品為流布  
故說苦集滅道菩薩若知不以覺觀觀三十  
七品是名舍摩他菩薩若知法界真實不可  
宣說是名毗婆舍那菩薩舍摩他有四種一  
者第一義舍摩他二者期舍摩他三者真實  
舍摩他四者離煩惱怨舍摩他菩薩具足四  
舍摩他知一切法界為阿耨多羅三藐三菩  
提故菩薩毗婆舍那有四種一者共四種舍  
摩他行二者遠離顛倒三者分別無量法界  
四者知法界無礙菩薩修集是四種毗婆舍  
那為阿耨多羅三藐三菩提故云何名為菩



薩摩訶薩善方便善方便者有十二種內六種外六種內六種者菩薩常於一切衆生起大悲心真實了知一切諸行常樂繫念阿耨多羅三藐三菩提樂爲衆生轉於生死真知煩惱不壞煩惱爲阿耨多羅三藐三菩提勤修精進是名內方便外六種者能令少施得無量福有功德者能令增長懷佛法者能令生信已有信者能令增長未淳熟者能令淳熟已淳熟者能令解脫是名外方便去何少施得無量福若有衆生於菩薩所聞說法已以一把食施於餓狗施物旣少福田又薄不能迴向菩提道故所得福報不可稱量有住

增長者若有衆生先受八齋菩薩復爲分別  
解說教今迴向無上菩提若有衆生深著邪  
見一月不食晝斷夜食菩薩即爲講宣正法  
破其邪心教今受持八戒齋法菩薩爲破苦  
不善齋教今受持善法齋戒若有衆生欲求  
解脫不知方便菩薩爲說中道實義離於二  
邊若有衆生欲得天身投淵赴火菩薩爲破  
如是現苦爲說持戒現世受樂後受天身若  
有衆生爲寂靜故讀誦解說四毗陀典菩薩  
即以十二部經教今分別思惟其義復次菩  
薩以世所有上妙香華供養三寶亦教衆生  
復令供養自向十方無量諸佛發願供養亦



教衆生向十方佛發願供養復次菩薩常修  
念佛乃至念天亦教衆生今修六念復次菩  
薩身口善業若多若少悉施衆生亦以是法  
教化衆生復次菩薩常作是願一切衆生所  
有苦事悉集我身莫令他受亦以此法轉教  
衆生復次菩薩若有過去現在世罪悉向十  
方諸佛懺悔亦以此法教衆生行復次菩薩  
自能修集四無量心亦教衆生行四無量心有功  
德者能令增長壞佛法人能令生信已生信  
者能令增長未淳熟者能令淳熟已淳熟者  
令得解脫菩薩摩訶薩爲是四法修集六事  
一者隨他二者無障三者不動四者心相似

五者報恩六者清淨隨他者菩薩若爲衆生  
說法先以軟語隨彼心語隨身口意任力惠  
施令彼恭敬生歡喜之心樂法之心然後爲  
說隨諸衆生上中下根說易解法時節說次  
第說不顛倒說利益說憐愍說若須神通應  
感化度爲示神足略能說廣廣能說略能破  
疑網施其憶念能廣分別出入定處若有衆  
生不解如來甚深空義即爲開示分別演說  
若有衆生誹謗方等大乘經典即爲說法今  
其調伏若有衆生作如是言如來所說無一  
切法無一切物一切諸法無生無滅猶如虛  
空如幻如夢如熱時焰如闍婆城如水中月



如呼聲響以是不解法性因緣故生於怖畏  
生怖畏故而生誹謗言非佛經是邪見說菩  
薩摩訶薩善巧方便漸漸爲開修多羅義隨  
意而言非一切法無以一切法不可說故名  
爲無法以不可說可說性無所有故名爲無  
物若初無不可說無不可說性去何可說有  
生有滅是故說名無生無滅若無生滅即名  
虛空如虛空中有無量色有無量業諸色諸  
業無有障礙所謂行任屈伸俯仰若無如是  
諸色諸業名虛空者是則虛空不可宣說若  
因虛空有諸色諸業可宣說者不得說言虛  
空之性不可宣說若彼虛空不可說者諸色

諸業云何可說菩薩摩訶薩得聖智已乃知  
法界不可宣說今時菩薩破壞邪相言一切  
法有一切法可說菩薩初以如是聖智教於  
衆生衆生得已自見法性不可宣說猶如虛  
空是故如來說一切法同於虛空如幻性相  
非有非無聖人亦說非有非無幻若定有以  
何因緣有時可見有時不可見若定無者云  
何令人見種種相實無之法不應生相一切  
法界亦復如是於諸凡夫說有名相有名相  
故不得言無第一義性不可說故不得言有  
是故法界如幻有二是故菩薩於諸法界不  
取不捨不增不減實則知實亦說是實是名



菩薩差隨方便無障者菩薩摩訶薩見來求者作如是言善男子汝今若能供養三寶父母師長沙門婆羅門者所須之物若衣若食牀卧病藥花香瓔珞幡蓋伎樂田宅屋舍僕使乘用資生之物悉當與汝若有衆生恐怖畏憂懼菩薩語言汝今若能供養三寶乃至婆羅門者我當給汝衣食所須乃至一切資生之具亦當救汝憂懼之事若有病者亦復語言汝今若能供養三寶乃至婆羅門者我當爲汝求覓良醫瞻病好藥衣食乃至資生之具令汝病愈如是衆生若能信受菩薩語者菩薩當作種種方便必令如意若不受者

菩薩亦時則修捨心若有信受菩薩不爲稱  
意作者得罪菩薩先教供養三寶父母師長  
持戒精進爲調令得阿耨多羅三藐三菩提  
若先受語後不受者以憐愍故則現瞋呵非  
實惡心若不施物不爲作使非實嫌恨爲調  
伏故是名無障不動心相似者菩薩若得自  
在之身若王大臣多有眷屬先唱是言若我  
境內及家中人其有不能供養三寶父母師  
長沙門婆羅門毀戒懈怠我當斷其衣服飲  
食打罵繫縛閉之牢獄若殺若擯囑付大臣  
使令鑒察知誰持戒知誰毀戒誰能供養父  
母三寶誰不供養父母三寶亦時衆生以怖



畏故遠離諸惡修集善法似菩薩心是名相  
似方便報恩者菩薩若受檀越衣服飲食卧  
具病藥房舍若多若少或遭恐怖有人救解  
或遭病苦有療治者或聞說法破壞疑心菩  
薩摩訶薩以念恩故悉教是等行於善法是  
名報恩菩薩說法衆生聞已即能供養三寶  
父母師長沙門婆羅門等持戒精進是名報  
恩寂靜者菩薩摩訶薩安住畢竟菩提地中  
修集寂靜菩提之道生兜術天當知不久下  
閻浮提得阿耨多羅三藐三菩提衆生聞已  
悉發願言如是菩薩成佛之時我等當於是  
佛法中出家學道卽時菩薩下閻浮提託生

刹利婆羅門家爲衆生故捨五欲樂出家學  
道修行苦行爲苦行者生於恭敬破苦心故  
修苦行已得阿耨多羅三藐三菩提壞聲聞  
緣覺菩提心故旣成道已嘿然而任釋梵天  
王來勸請故梵天啓請爲令衆生於正法中  
生尊重故今時世尊即以佛眼觀諸衆生然  
後說法佛眼觀者爲破惡名故所謂衆生說  
言如來但爲梵王勸請非爲憐愍若以佛眼  
觀於衆生轉法輪者爲破衆生邪惡輪故轉  
法輪已集衆制戒爲令衆生得解脫故是名  
菩薩寂靜方便爲令衆生得信心故未入佛  
法者令得入故未熟衆生令得熟故已熟衆



生得解脫故

菩薩善戒經卷第六

賢

龕窟

上苦反

甚

息淺反

一綆

下思反

一銖

下音殊

雌黃

音雌黃

斯上七反膠油

上交上音

穀

牛頃

上也下古

傾

候反

牛乳

璧

玉

亦上反

必讒言

反上

助

矜

高

上居反

輕蔑

下莫結

儻

正作儻

斯下

上正作廝賤也

掉悔

上徒反

遨戲

上吾高反

上

揆

上揆

下字 族

薩埵

下果反

書籍

亦下才反

牟

上正作矛

莫

下音朔

莫

侯

凝重

上魚陵反

循身

上音

投淵

下烏反

逆

字

逆

字

字

